

无上黃籙大齋立成儀卷之二十一 竹一

廣成 先生杜光庭集

太上執法仙士蔣收與修

科儀門

陸壇轉經儀

夫修黃籙齋請齋每日三時行道轉經晝夜六時為弟子開奏誦念以祈福祉其行道消息移時仍別升壇轉經誦道宣行法事一如金籙簡文登壇上座誦經威儀如式風雨不常及別有法事即行道與轉經相續可矣陸壇轉經法師冠元始之冠黃裙紫褐五色雲霞之帔是名法服眾官如常服

先眾官具威儀迎法師詣玄師前立班法師上香

次唱道讚

次華夏讚引升壇如式

次法師升天門上御案香念上香咒

次法師都講各上本位香

次唱三皈依

至心歸依十方道寶當願眾生起心回向一

切信禮

至心歸依十方經寶當願眾生心開悟解受持念誦

至心歸依十方師寶當願眾生普上法橋無有障礙

次唱道場眾等執簡當心平坐如法

次唱讚詠如法

次唱宿命讚

宿命有信然 弱喪謂之無 皆由眼前見 過目即言愆 大賢明道教 慘戚憫頌夫 依依念子苦 勤勤令我憂

雲象太虛浩劫之初乍暹乍邇或沉或浮五方徘徊一丈之餘天真皇人按筆乃書以演洞章次書靈符元始下降真文誕敷昭昭其有冥冥其無沉痾能自痊塵勞弱可浮幽冥將有賴由是升仙都以今奉為齋主恭開建無上黃籙大齋正為亡親某心超昇福境謹集見前清眾升壇看誦

太上洞玄靈寶無量度人上品妙經度人上品寶經

之宗卷大齋所宜轉讀三日正齊要錄十遍法十迴之數如更難別滿生神幸極經九

次都講啟經

主宰三界官屬應感真靈齊為亡靈某等魂普及九幽囚徒罪異超離苦趣各證生方伏願飛天下觀上帝遙唱靈音一轉九幽之地

獄停開隱韻十迴五道之沉魂息對恩流亡歿澤被見存普及含靈同臻道果為上因緣稱念

大聖元始天尊太上道君太上老君太上靈寶天尊奉聲救苦天尊九幽拔罪天尊朱陵度命天尊法橋大度天尊十方救苦天尊上清左玄真人上清右玄真人玄中大法師不可思議功德

次唱靜念如法

各思身坐青黃白三色雲氣之中左青龍右白虎前朱雀後玄武日月五星照映左右侍經仙官羅列壇內已有圓光如日之象都畢咽液三過叩齒三遍密念開經玄

經咒

凡轉靈寶眾經皆當依此存思經文行持

不同者別依法

寂寂至無宗 虛峙劫何阿 豁落洞玄文
誰測此幽遐 一入大乘路 孰計年劫多
不生亦不滅 欲生因蓮花 超凌三界途
慈心解世羅 其人無上德 世世為仙家

次吟啓經頌

稽首虛皇天尊前

次唱請轉法輪轉度人極如儀至靈
此法文行持

各目想三十二天九色雲氣交背之中有
官殿樓觀天帝衣天色衣冕服一一分明
即存神自太皇天為始先叩齒一通心拜
一過訖次第二太明天三十二過畢即閉
目靜思三丹田出玄元始青黃白三色雲
氣如絲漸漸離身雲氣濃厚先交給一身
次纏映坐所及几案經席無不周遍蒼蠶
旋透一壇然後出外圍布一方良久冥合
天地次存青龍出肝立左白虎出肺立右
朱雀出心立前玄武出腎立後獅子出脾
下丹田十二隻列於左右白鶴自泥丸出
九隻圍列四向方寸眉後六合宮中有日

月出自二目去而九寸光照壇內洞徹煥

明方始窺呪心密古之
初今耳聞

無上玄元太上道君召出臣身中三五功曹
左右官使者侍香金童傳言玉女五帝直符
直日香官各三十二人開啓所言臣等奉為

具官某正為上觀某乙
昔為在會亡魂修建無上黃錄大齋

以今陞壇轉經用資超度願所啓上徹逕御

無上三十二天元始上帝至尊九前

畢鼻引東方八天青炁八過入肝南方八

天赤炁八過入心西方八天白炁八過入

肺北方八天玄炁八過入腎然後誦經誦

經畢次吟解座贊

為諸來生作善因緣如蒙開悟仰荷玄恩

贊畢眾官起立都講嘆經

詳夫三洞寶經乃萬天勝範結飛玄之炁成

雲篆之章義冠無生文垂未劫故天地得之

以分判日月因之以運行鬼神敬之以變通

人倫奉之以開度是以誅之者則形陟絳霄

聞之者則神生碧落莫不人天仰賴生死依

憑為羣品之津梁作眾真之戶牖巍巍大範

讚嘆莫窮今弟子共開建黃錄大齋九時行

道六上轉經願仗真乘超凌亡爽上資

家國下祐見存爾者開函演奧即響徹三天

執卷吟玄乃聲聞五億當願侍香金媛結香

字於天中典經玉郎進經文於簡上即使愆

消昔劫福降今辰存亡荷開泰之恩動植悅

生成之德以茲勝善徧悉裝嚴三途罷楚毒

之勞九夜絕酸辛之苦泊乎悠悠庶品蠢蠢

合生俱乘六度之舟並達三清之岸

次唱三閩經

聞經已後當願羣生萬罪蕩除善芽增長

聞經已後當願羣生深入法門歸依信受

聞經已後當願羣生永斷執迷常修至道

法師叩齒三通咽液三過存三素元君在

金華宮如嬰兒之狀次旋行

誦太上智慧經讚

太上玄虛宗 弘道尊其經 俯仰以得仙

歷劫無數齡 巍巍太真德 寂寂因無生

霄景結空構 乘虛自然征 日月為炳灼

安和樂未央

學仙絕華念	念念相因積	去來亂我神
神踪靡不歷	滅念停虛閑	蕭蕭入空寂
請經若饑渴	持志如金石	保子飛玄路
五靈度符籍	故能解三羅	清齋禮太素
濟我六度行	吐納養雲芽	逍遙金闕內
自然生七寶	人人坐蓮花	仰嚼玄都茶
俯酌空洞瓜	容顏耀十日	奚計年劫多
法鼓會天仙	鳴鐘徹大魔	太真撫雲璈
靈風扇香花	燦爛開繁衿	散慧玉華林
衆仙彈靈琴	雅歌三天上	前世德未足
七祖昇福堂	由此步玄音	圖飛乃反沉
斯書邈難尋	信道情不盡	弘之在兆心
太上無為道	奉師如至親	挹景偶清虛
學道由丹信	衆人未得度	終不度我身
華華隨日新	玄德必信然	陰惡罪至深
大願有重報	對來若轉輪	種德猶植樹
學道亦甚苦	晨夜建福田	飄爾昇青天
積善而成山	子能耽玄尚	

修是無為道	當與善結緣	太上至隱書
名曰智慧篇	披苦由大才	超俗以得仙
靈姿世所持	矚若淵中蓮	立德務及時
人行各有本	皆由宿世功	倚伏理難窮
發願莫不從	善惡俱待對	解是大智慧
賢士奉法言	道亦在嘿忘	命駕御九龍
上為太極公	寶蓋連玉輿	嘯歌徹玄都
金華擊洞經	抹香悉仙童	超景逸紫霄
鳴玉扣瑤鍾	竦身凌太清	萬劫猶昨夜
保無持法綱	遊玄極道遙	手攀寶林條
千春如晨朝	巍峩蔭雲華	靈幡順風散
香烟自然生	玄階興扶搖	無為為清詒
繁想應時銷	滅智弘大混	

次吟學仙頌出堂至玄師前回向

太極左仙公曰真頌八篇皆太上太極真人之辭衆仙所耽誦不宜泄於下世秘藏金闕玉房之內宜傳至人修靈寶齋也不可示浮華之徒謹之哉謹之哉

太極真人曰侍經仙童玉女聞此禮經讚詠之音皆惟悅而祐兆身也是大經悉當用此

讚而撰拜矣若冥心誦經者亦諒之乃上仙之辭修真之妙旨也出靈寶玄都玉書南經

天尊曰經者吾道教導引愚迷能發衆生無量道意從悟起因悟成真衆聖修行皆登道果故元始以一炁生化三炁分爲三天一曰始炁爲清微天號玉清境天尊所化吾以龍漢之初號無形天尊於此天中出洞真寶經十二部以教天中九聖或號萬天玄師無上法王經九萬九千九百九十九億歲二曰元炁爲禹餘天號上清境靈寶君所化吾以延康之初號無名天尊於此天中出洞玄寶經十二部以教天中九真或號三界醫王太上真尊經八萬八千八百八十八億萬歲三曰玄炁爲大赤天號太清境神寶君所化吾以赤明之初號梵形天尊亦稱觀世真人出洞神寶經十二部以教天中九仙或號十方導師至極天尊經七萬七千七百七十七億萬歲開皇改號吾號虛皇理元陽中敷揚三洞下化人間號太上道君經六萬六千六百六十六億萬歲逮至上皇吾總號元始理紫

微官中廣布經戒救度羣生三洞經寶凡三十六部亦曰三乘洞真寶經謂之大乘洞玄靈寶經謂之中乘洞神寶經謂之小乘結飛玄之炁自然成章玉字金書龍鳳篆大方一丈八角垂芒教化諸天流通世界始終歷劫常轉法輪或實或權有廣有畧因機取悟隨世修行雖天地運終而三洞不滅開度羣品導引入天三界十方俱受利益其後妄劫之初洞真下化人懷道德共處無為悉奉至真長生得道次則洞玄下化人物漸滿朴散澆淳失道叛德末則洞神下化人物轉更澆浮不奉正真年命短促自是之後人心破壞三洞不行智慧日與人鬼交雜運度促急不滿百年念念無常死生不絕吾故重出宣行三洞布化人間隨代機緣敷弘經教或大或小順物所宜故元始本文未盡下教其三清上境四梵天中真聖修行具足山川洞府海嶽仙宮雖有所修亦不具足謂諸方所修之經三洞不備也故命老子託化人間救度衆生演出科戒或夷或夏或聖或凡周遍十方悉令開度三

洞妙法散在人間勸誘男女使勤修習凡夫積罪業累沉迷於道無緣不能信奉唯從偽法諸雜邪神徒竭身心終歸地獄其信行三洞悉入福堂或白日升舉尸解遁形隱迹洞官遊行世界長生變號永劫長存練氣易形轉神入道人其能識無量無邊吾過去後魔殺轉與天下同遵人民夭折兵戈水火疾病死傷國破家亡朝夕相繼竭其府庫以奉妖邪偽亂日興澆訛時扇饑寒苦惱父子流移天下愚迷未無悟矣吾念爾輩積劫沉淪說是要言以示警駭然三洞妙法法有一種一者真法二者化法真法者離諸虛妄永劫長存化法者文字流通隨時變化法之中凡有五種一者結飛玄之炁雲篆成章離合自然變見不測在三清上境常住鎮經德劫長存聖真持護二者靈書一丈八角煥明在三界十方諸天五德隨劫升降應感流轉三者諸天宮殿樓閣臺房門戶之間書題誦誦制伏人物出入修行四者花文篆字玉札瓊編方文蓬萊閩風玄圖乍隱乍顯隨劫存亡教

習神仙伏諸魔鬼五者紙墨綠素竹木漆書散在人間流傳誦誦劫初即下劫末還升保國安人開度羣品經者元始之言教化衆生使識根源本始宿命因緣罪福報對善惡吉凶生化門戶方便所由改惡從善保安性命長生無為歸之於道永劫執模保之者福降修之者神仙矣此兼教四錄經太上道君謂三天法師曰天尊教戒三洞妙文天書玉字雲篆龍章雖復無邊總括條疏唯十二事部類分別隨根不同一者自然本文二者神符三者寶訣四者靈圖五者譜錄六者戒律七者威儀八者方法九者術數十者記傳十一者讚誦十二者章表自然本文天書八會鳳篆龍章是為天地萬物之本開化人神成立諸法主召九天神仙上帝校定圖錄調正璇璣攝制都降伏魔鬼勅命水帝召龍上雲天地劫期聖真名諱所治城臺衆真境界廣宣分別種種降差服御元精化形之法神符者雲篆之文神真之信召攝衆魔威制神鬼總元御運保命流年寶訣者天

具上聖述釋天書八會之字以為正音開示
大道靈圖者衆聖化迹應見無方圖寫變通
今總悟解譜籙者衆聖記述仙真名諱宗本
宵佩神宮位緒戒律者條制勅約防非檢過
詮量罪福分別重輕威儀者具示齋戒進退

指摸俯仰節度執式容止方法者衆聖著述
丹藥祕要神草靈芝柔金水玉修養之道術
數者明辯思神存真念道心齋坐忘遊空飛
步餐吸六炁導引三光鍊質化形仙度之法
記傳者是諸衆聖載述學業得道成真通玄
八妙修因方所證果時節讚詠者衆具大聖
功飾法言稱揚正道令總信樂發起回向生
尊重心章表者師資傳授妙寶奇文登壇告
盟啟誓傳度悔謝請福關告之辭此十二辭
紀統衆法一切意趣無不備周化引三乘入

一乘道出本

三洞真經帙目

洞真寶經十二部凡二十三萬
三百八十卷

太上部第一 妙林部第二

太清部第三 微觀部第四

上清部第五 開元部第六

元陽部第七 妙真部第八

開山部第九 十仙部第十

玉林部第十一 黃老部第十二

洞玄寶經十二部凡八十萬
四千卷

靈和部第一 靈寶部第二

通神部第三 無量部第四

集仙部第五 內秘部第六

真志部第七 集善部第八

鍊精部第九 生尸部第十

官圖部第十一 鍊摩部第十二

洞神寶經十二部凡八十四
萬二千卷

太真部一 至德部第二

黃庭部第三 鍊氣部第四

道德部第五 元神部第六

大劫部第七 內簡部第八

神呪部第九 三皇部第十

按摩部第十一 小劫部第十二

右三洞三十六部共一百七十八萬六
千三百八十卷

歷代聖人神仙所受經

玄中大經上三 太素經中三

開元經中三 金闕秘經下三

攝提本經中三 元陽經伏黃

元精經神農 安神經祝融

道德經黃帝 微言經顓帝

天元經天老 黃庭經帝堯

玄德經帝堯 政事離合經帝堯

德戒經夏禹 長生經殷湯

赤精經文王 虛无經武王

八天隱文經昭王 出塞經以下六經
並尹喜受

西昇經 元陽經

道德經 內解經

九室經 衛生經南榮

六甲經宋王 鬼林經始皇

太平經千言 王訣九千篇以下四品
張天師受

符圖七千章 神呪四十首

科律教戒一千二百卷

新科一百二十卷冠錄

右諸經並老君授

三一經 黃帝 龍躡經 黃帝

右二經天真皇人授

上清經四十六卷 漢武帝

右西王母授

上清經三十二卷 魏夫人

右王君授

上清經七卷 仙人李

右三真人授

上清經四卷 仙人

右三茅真君授

靈寶經十六卷 葛仙

右三真人授

靈寶經十四卷 抱朴子

右太極真人授

道德章句二卷 漢武帝

右河上公授

粵自三古已降迄于巨唐寶軸靈文或隱或見出於史策或著在別傳至宋朝簡寂先生校讎之際述珠囊經目萬八千卷其後江表干戈秦中兵革真經秘策流散者多後周武

十三

帝立通玄觀收集衆經猶及萬卷洎隋火版蕩唐土龍興翦掃氛妖底定寰宇至開元之歲經訣方興玄宗著瓊網經目凡七千三百卷復有玉諱別目記傳疏論相兼九千餘卷尋至二胡猾夏正教凌遲兩京秘藏多遇焚燒上元年中所收經錄六千餘卷至大曆年申甫先生海內搜訪京師繕寫又及七千卷長慶之後咸通之間兩街所寫纔五千三百卷近屬巨寇凌犯大駕南巡兩都烟煤六合榛棘真官道宇所在凋零玉笈琅函十無三二余屬茲艱會漂寓成都扈蹕還京淹留未幾再為搜訪備涉艱難新舊經誥僅三千卷未獲編次又屬省方所得之經尋亦亡墜重遊三蜀更欲搜訪累阻兵鋒未就前志特大順二年辛亥八月初三日庚辰成都玉局化閱省科教聊紀云爾杜光庭述

无上黃錄大齋立成儀卷之二十一

无上黃錄大齋立成儀卷之二十二 竹二

三洞法師冲靖先生留用光傳
太上執法仙士蔣叔與修

科儀門

正一飛章謁帝儀 先華夏并引高功

古許上香 洒淨此

法師啓白請聖醮獻

次入戶呪

四明功曹 通真使者 上元生炁 入臣身中

今所奏章 關達上聞

華夏旒香一周

次上御案香

各禮師存念如法

右以章置簡上兩手沐當心正立曲身存

思本師位西立 三禮 次存東方諸君丈人

三禮 次存南方道德天尊 三禮 次存西方

三師 三禮 次存北方太上老君 三禮 次存

左日右月去面各九寸七星在頭上青炁

從肝中出布滿一室清光過乎日月次存

唐將軍從左臂中出立左為將軍從右臂